



KOMUNIKADO PA PRENSA

Fecha **18 di mart 2013** Account Manager **Jhanirha Anita** Email jhanirha.anita@gobiernu.cw Nr.

KOMO PARTI DI E MEGA-PROYEKTO INHAALSLAG TRABOUNAN RIBA KONINGIN JULIANABRUG FASE 2 TA BAI KUMINSÁ DJALUNA DIA 24 DI MART 2014

Willemstad – Minister Balborda huntu ku Servisio pa Obra Públiko (OW), ta informá komunidat ku djaluna 24 di mart binidero ta bai kuminsá ku trabounan di mantenshon na e via sùit di Koningin Julianabrug. Esaki ta e via ku ta usa pa krusa di Otrabanda bai direkshon di Punda / Saliña.

E trabounan lo konsistí di:

- Kita tur e asfalt bieu
- Pone kapa di asfalt nobo
- Kambia tur e vang-railnan i bòrchinan pa pone nobo
- Pone kapa di asfalt nobo
- Ta pone ‘weg markering’ nobo riba brûg ora e ta kla.

E trabounan ta plania pa dura entre 6 pa 9 siman. Pa sigurá ku nos brûg ta bai hopi aña mas ku nos i den un bon kondishon, Servisio pa Obra Públiko lo bai traha duru pa renobá Julianabrug. Lo tin dos plug ta traha di dia i anochi i lo traha 6 dia pa siman di djaluna pa djasabra pa asina por tèminá e trabounan na e mihó manera i mas pronto ku ta posibel. Lo bini un eksperto ku konosementu den asfaltá brûg for di Ulanda pa asesorá nos ku e parti di supervishon durante ehekushon di e trabounan.

Den kuadro di e trabounan aki, Servisio pa Obra Públiko ta traha huntu ku Departamentu di Tráfiiko di Kuerpo Polisial di Kòrsou, pa desviá e tráfiko. Usuarionan di e kareteranan ariba menshoná por hasi uso di e kaya alternativo manera e bòrchinan ta indiká.

Minister Balborda ta gradisí tur usuario di Julianabrug adelantá pa nan komprehension i koperashon durante ehekushon di e trabounan aki. Tambe ta hasi e petishon na tur usuario di vehíkulonan pisa, entre otro loader, trùk i bùsnan pa mas tantu ku ta posibel evitá di subi brûg i hasi uso di e ruta di Schottegatweg. Ta pidi tambe pa kore ku koutela riba brûg.

E trabounan aki ta djis unu di e hopi proyektonan mas ku ta parti di e megaproyekto Inhaalslag di Minister Balborda di Ministerio di Tráfiiko, Transporte i Planifikashon Urbano.